

東華續錄

同治朝

卷七十二至七十五

第九冊

同治東華續錄七十二

臣王先謙敬編 臣張式恭恭校

閏四月戊申朔諭軍機大臣等前因李雲麟等奏詳酌新城事宜請給免貢皮改設臺兵額兵等情當交原議王大臣等安

奏茲據停親王等奏稱李雲麟等以前擬分歸新城之土爾扈特及烏梁海數旗見擬安設正臺各該旗一切差徭略

不絕請將應進皮張全行停止自爲體恤貢戶起見所有阿勒太烏梁海七旗應進皮張著准其暫行停止惟此項皮張

爲內廷傳用及頒賞要需仍著該大臣隨時體察情形總期該處丁力稍充卽量爲變通設法補交以符舊制其烏梁海各

旗內既有善獵槍手數百名可藉爲勁旅又有貢戶額兵多名該大臣等請將貢戶一項以百數十戶改爲臺兵下餘五百

餘戶作爲額兵儘能訓練得宜誠爲一舉兩得著卽照辦辦理仍著該大臣等按季認真操演務期悉成勁旅以資防剿不

得有名無實臺兵遇有重差應用幫臺之人由各該旗貢戶以外之散兵閒丁中調派卽由該大臣等詳定章程妥爲辦理

停親王等會議原摺均著鈔給閱看將此由五百里各該令知之○諭宋廷春奏逆匪圍攻省城分股襲踞各州縣近日辦

理情形請將從逆各員革職嚴拏各指片逆匪攻陷易門縣後旬結內奸先後竄陷昆陽新興晉甯呈貢嵩明尋甸等州縣

賊匪已偏省垣城下僅餘東路尙可繞越亟應趕緊援救岑毓英見由七旬進攻卽著該撫督飭各軍轉戰而前將逆匪大

第殲蕩力解省城之圍仍一面兼顧省東以通糧運宋廷春卽飭楊盛宗等就見有兵力分路防剿迅殄逆氛劉坤一職任

兼圻責無旁貸著懷遵前旨星馳前進將省城防守事宜與岑毓英會商妥辦以固根本並著該督嚴檄李家和等統率所

部迅速赴省相機策應從賊之參將楊振鵬楊先芝馬天順武進士田慶餘都司馬世德守備馬葵千總馬文成均著革職

嚴革務獲訊明後卽在軍前正法以昭炯戒毋任一名漏網將此由六百里諭知劉嶽昭岑毓英並傳諭宋廷春知之○予

安徽被戕訓導金崧祭葬世職○已酉左宗棠奏於四月二十三行抵鹽山城西十八里地方探悉賊由西南竄走乃改

道南竄旋接劉松山等報稱二十二日賊東竄至舊滄州方園搶渡滅河忽見大軍馳至賊黨西竄迎拒未幾率所部衝擊劉

松山張曜向東截之槍礮轟擊賊甚單靡戰半時賊始敗竄折向東南以趨鹽山各軍追二十餘里收隊其計生擒悍賊一

百餘名訊知賊之北竄意在天津寬購子藥且擊引追軍與之俱北仍逐其竄撲運西之計劉松山等仍向東南追擊於二

十四日馳抵南津復接劉松山等馳報賊由鹽山掠樂陵而過邊馬已及德平賊蹤多向南竄以該逆意在西撲運河則矣

竊賊南津爲要二十五日仍馳回吳橋連日偵探賊由臨邑平原向西南竄走二十七日已過高唐總兵郭連昌一軍已由

恩縣進追而南劉松山馬步各軍亦當距賊不遠矣賊既竄過高唐必由清平博平莊平以撲運河得郭松林二十一日東

昌函稱已築牆六十里丁寶楨十九日函稱牆工限十日竣事以時日計之則賊至牆成西岸防兵有所憑藉東岸追兵又可速至機局實為湊拍賊如徑窺張秋不能越過則地勢愈偏滅之必矣。仍暫駐吳橋地方北顧齊魯運防肅防狂寇回窺備賊或窺過西岸尚可由德州橋口渡師西出以截其北竄。上諭軍機大臣等賊之機權奔突總思搶渡運河見在東昌沿運一帶牆工計已竣事追剿各軍不下十萬機勢實有可乘左宗棠務將運西力加扼守並商同英翰丁寶楨嚴飭劉松山等軍相機夾擊以為且防且剿之計其臨清迤北等處並著李鴻章官文趕緊派撥隊伍前往填紮丁寶楨亦當督同郭松林等嚴扼張秋一路並與英翰所統各軍聯絡聲勢毋任匪蹤竄越如稍有疏虞必惟丁寶楨等是問至前敵調派事宜乃李鴻章專責該大臣務須嚴督淮湘各軍奮加剿擊依限滅賊迅奏膚功儘日久防疏致賊勢復形延蔓則咎各有歸朝廷不能為之曲貸也英翰見赴觀音橋一帶河下著即將防務妥為布置並籌進剿其張從龍一軍即歸該署撫調度以厚兵力將此由六百里各諭令知之。○諭鄭敦謹奏侍衛陳國瑞自請帶隊北援據情代奏一摺見在捻逆退竄東境各路大軍雲集疊經諭令該統兵大臣等速籌攻剿自當剋日殲除回逆雖向西趨距晉稍遠而西河一帶防務未可鬆懈該侍衛業經披隊啟行著鄭敦謹飭令恪遵前旨迅速渡河將宜川等處防剿事宜相機妥辦毋得藉詞延宕致干重咎所有該侍衛進止機宜仍著鄭敦謹暫行就近調度嗣後如帶兵需人再行降旨令其北上也將此由五百里諭令知之。○以邵亨豫為內閣學士。○庚戌廣奉天長春廳學額三名吉林廳二名。○辛亥李鴻章奏。於四月二十四日督周盛傳各隊由德州沿運河東岸北行察勘形勢並擬賊若沿運回窺就近截擊行次東光之連鎮接據潘鼎新等稟稱二十一日夜捻眾突至減河南岸盤踞各村直撲河牆著慶溫德勒克西暨吉玉成徐邦道等嚴堵橋口潘鼎新派張景春潘國揚等馳往援剿楊鼎勳亦派隊過河克擊二十二日賊因防兵嚴整敗竄鹽山一路等語是日午後左宗棠亦督軍追至河干劉松山張曜宋慶等遇賊回窺在舊滄州獲一小勝二十五日賊抵南皮探聞賊已掠樂陵而西二十六七等日。即往滄州捷地巡視河牆晤商善慶潘鼎新楊鼎勳等察看減河上游水勢尚旺惟下游呂橋東至海口數十里河身淤塞可由鹽山小徑鈔入潘鼎新等親督弁勇逐節挑濬以期引水入海使該逆無隙可乘。鋪各營安速布置俟防務穩固潘鼎新仍抽隊出剿暫留楊鼎勳駐守一面函商崇厚酌添津軍赴減河分段協守並守住滄州減河則天津萬無一失無須多兵駐防且不可使。處游擊動旅盡改作守兵也。即於二十八日督隊南下二十九日行次德州之桑園與左宗棠面約相會面籌堵剿機宜意見均合閏四月初一日回駐德州偵知賊已由高唐西走夏津圍撲臨清東昌運河先准丁寶楨英翰郭松林函稱東皖淮軍議分段落淮軍郭松林吳長慶等自東

昌城南守至張秋河口東皖各營自東昌以北分守至臨清上下剋期趕集長牆惟河水淺濶可慮先派水師提督徐道奎統帶樹字營並張樹屏等在張秋督勇挑潯淤河已報完工適黃水驟漲三尺二十二日徐道奎等趕督勇夫開濶引黃灌運以穩防守並調楚軍丁長春水師由張秋臨清駛入德州運河抵德時丁長春駁船亦至面詢臨清以上河漸大致堅厚牆河水勢深淺不等其淤淺處亦有水三四尺將來伏汛盛漲無難引水灌賊竊料東昌上下河防有牆有水又有靈兵逆騎必難飛越據各縣探報賊至東昌不得渡運又從高唐平原回竄二十九日已至禹城固河一帶聞四月初一日向臨邑沙河莊狂奔仍歸北犯等語左宗棠已飭劉松山張曜宋慶喜昌春壽相機兜擊過桑園時商令程文炳迅帶所部前往與皖軍郭運昌牛師韓等合隊迎剿抵德州後令周盛波周盛傳帶馬步親軍馳往陵縣一帶相機攔剿俟各軍續有戰狀再行馳陳上諭軍機大臣等昨據左宗棠奏賊由鹽山繞竄清平屢思渡運當經諭令左宗棠等嚴扼運防李鴻章督軍剿擊茲據該大臣所稱各節是運防已穩固可恃自應趕緊進兵以期迅就撲滅李鴻章既與左宗棠意見相同即著將堵剿機宜妥商籌辦萬不可失此議會東昌等處已有東皖淮軍分段扼守即著丁寶楨英翰分飭各軍實力堵遏以專責成官文曾育飭令張樹聲在運西督辦民團之奏即著嚴飭該臬司迅速舉辦並遴奉前旨派撥隊伍前往臨清遠北等處填紮其滄州減河李鴻章已函商崇厚酌添津軍分段協守即著崇厚星速派兵前往協防以便騰出勁旅作遊擊之師左宗棠亦當遵奉前旨嚴飭各軍力扼運西免致疏虞賊既不能突竄運河無虞無走定可一鼓擒渠李鴻章所派各軍疊次獲捷即著嚴檄各路將士乘勝追擊分投兜剿期限減賊以竟全功將此由六百里各諭令知之○壬子諭軍機大臣等庫克吉泰劉典奏各軍剿賊連獲勝仗並見籌防期情形一摺回匪竄擾陝境奔突靡常道員黃鼎一軍於四月初六日擊賊於涇州斃匪甚多當將城圍立解提督劉厚基等軍復在甘泉獲勝甘省回逆土匪先後竄至洛川等處總兵周紹廉一軍大獲勝仗剿辦尙爲得手該省西北一帶逆蹤靡定而西路回逆四五千由靈臺繞竄麟遊境內亟應嚴檄各軍分投進剿著庫克吉泰劉典督飭黃鼎等覘賊所向力圖掃蕩並飭劉效忠等由岐山等處進剿其宜君白水一帶逼近北路雖係殘匪尤應加意嚴防並著庫克吉泰劉典迅將該匪殄除淨盡以清醜類將此由五百里各諭令知之○甲寅諭軍機大臣等崇厚奏派兵防守減河請飭撥南路各軍赴滄協守一摺潘鼎新一軍見經李鴻章調赴開敵進剿天津減河一帶僅有楊鼎勳一軍不敷防守崇厚見飭余承恩劉景芳馳赴捷地減河並調李昌連練軍兩營前往該處協防惟減河衝自通運石壩東至祁口一百數十里地段綿長民團稀少分布勢難周密津郡僅存陳濟清練軍槍隊並遵化兩營兵力甚

單未能盡赴河防著左宗棠李鴻章於湘淮陝豫各軍內擇其轉戰日久應行休學之隊抽撥數營派赴減河與楊鼎勳等軍協力防守既可保固河防並可以均勞逸左宗棠見在吳橋尤當就近兼顧崇厚亦宜添募津勇設法協守並將糧餉軍火由津運滄以資接濟該大臣等總須協力同心妥籌會辦不可稍涉推諉致誤事機將此由六百里各諭令知之○丙辰諭軍機大臣等恭親王等奏特參侍衛不候調度請旨交部嚴議並請飭催余承恩迅赴減河協防各摺片前據鄭敦謹奏陳國瑞自請帶隊北援當諭令鄭敦謹飭令該侍衛衛懷遠前旨辦理宜川等處防剿事宜茲據恭親王等奏據該侍衛乘輿回軍北援於初四日馳抵臨清等語覽奏不勝駭異該侍衛係奉旨赴陝剿賊之員乃不候調遣擅行拔隊北上實屬任憑自專陳國瑞著先行交部嚴加議處該侍衛見抵臨清即著歸英翰調遣該署撫即責令陳國瑞隨同進隊由北而南將此股捻逆痛加剿洗以贖前愆儘不能奮勇殺賊或任性妄為不遵該署撫調度朝廷惟有執法從事不能再為該侍衛曲貸也運河已穩固可恃防剿各軍不下十萬亟應乘此機會為一鼓擒渠之計李鴻章務當懷遠疊次諭旨剋期堵遏迅逆氛並著左宗棠英翰丁寶楨檄飭各軍分投防剿以資厚集各該大臣督撫等毋得遲延觀望日久無功致負委任潘鼎新馬步各營見調為遊擊之師減河一帶僅有劉景芳五營甚形空虛頃捻蹤又近滄州亟應添兵扼守著官文嚴催余承恩迅率所部馳赴減河一帶會同劉景芳協力堵禦崇厚於余承恩到防後酌度機宜妥為布置潘鼎新既調赴前敵正與賊隊相迎著李鴻章嚴檄該藩司實力痛剿若復遲延觀望或避賊而行是既不任防又不任剿必當重治其罪運西一帶左宗棠官文英翰丁寶楨當認真嚴防不可稍涉疏虞將此由六百里各諭令知之○諭鄭敦謹等迅撥新疆餉精○改廣東佛山同知為簡缺裁瓊防同知並廣海寨主簿增設赤溪同知司獄各一撥新甯縣額進客童二名為赤溪廳學額隸肇慶府學升廣海寨遊擊為副將與那扶都司均駐赤溪升廣海寨守備為都司移瓊州右營守備於那扶撥欽州左營雷州左營于總把總各一惠州左營三江左營外委各一各標兵四百六十一名為赤溪新營○豫親王義道章子繁奏請日領賞銀一千兩治喪○戊午諭軍機大臣等丁寶楨奏追賊接仗並築牆設守各情形一摺臨清東昌運防經東皖准各軍趕築長牆分段設防足資扼守惟自臨清東北至德州一帶運防事宜尚未籌及李鴻章當與丁寶楨等設法兼顧以期布置周密毋任賊騎乘隙竄襲曜宋慶與王正起等軍由清平博平等處追及賊股截其竄撲運河之路賊復折竄鄭平陵縣等處著李鴻章督催前敵各營與丁寶楨所部各軍儘力窮追並分路兜剿限減賊銘軍見抵東昌郭松林所部休息已久並著李鴻章飭令該提督進兵追剿作為遊擊之師會合前敵各軍迅殲窮寇毋稍遷延本日復據崇厚奏稱滄州減河防務未周等語著崇厚一摺滄州關

降書俱張逆傳令各帶門板鐵索欲向東光下口一帶搶撲運河適先派水師總兵丁長春赴下游巡防是日帶礮船駛抵下口初八日劉松山張曜等又追及下口適東該逆正在搬運板片等件水陸各營分投截剿逆軍狂奔繞東光城而走劉松山等均循河東追殺沿途頗有新擒該逆向西南奔竄仍欲由連鎮一帶搶渡左宗棠在吳橋聞信已於初七日督隊移紮連鎮河東由張秋調到提督徐道奎水師飭由德州下駛初七日亦抵連鎮該逆偵知有備初九日繞由吳橋德州界內南走陵縣飭周盛波周盛傳率隊急追至陵縣西二十里之上橋賊騎三子回拒周盛波督馬勇迎戰步隊趕到合力兜擊賊大潰奔擒新百餘人聞侍衛陳國瑞是日亦帶所部由恩縣至陵縣截剿獲勝初十日據探賊已向西南平原高唐一帶竄走飭周盛波等乘勝跟追相機兜截劉松山張曜宋慶程文炳均帶隊過德州並令分路躡追賊越西南我軍仍須傍運東節節牽制見在逆眾並無步隊每賊擄有二三騎替換避兵急走絕不戀戰勢急剽猾幸在連河以東一隅之地稍有限制但冀上下游運防加嚴游擊各軍再沿運兜追先使不得竄渡庶剿辦漸有歸宿上諭軍機大臣等徐逆雖經周盛波等軍連日兜剿疊有擒獲而逆情標情仍向平原高唐一帶圖竄運西周盛波劉松山張曜宋慶程文炳等軍相繼進剿即著李鴻章飭各軍乘勝痛擊大加懲創使賊氛漸衰得以一鼓殲除陳國瑞前有旨交英翰調度見在該侍衛既赴前敵距英翰較遠即著李鴻章就近調遣該侍衛性情諒李鴻章素所深悉朝廷並無成見不過策其後效期其殲此殘寇該大臣自當不避嫌怨妥為駕馭所請餉項並著李鴻章酌量核撥使之知感知奮運西各防關緊要儘任賊竄渡則勢又燎原左宗棠英翰丁寶楨專任此事務當嚴飭各軍晝夜梭巡不使兵力稍有疏懈如任該逆西竄朝廷惟有執法從事決不能寬典吳坤修所派張得勝軍並水師四營即著英翰派員迎提以厚兵力並著該署撫催令迅速啟程毋稍延緩劉銘傳計報啟程著李鴻章令迅速趕赴前敵統帶各軍共圖殲賊將此由六百里諭知左宗棠李鴻章英翰丁寶楨並傳諭吳坤修知之○諭慶豐善奏親抵前敵先將狄道州境熟籌布置仍相機進剿一摺狄道州克復後復據一帶道途俱已暢行惟河州東南鄉之秦子寺巴果未下其燕脂川黃家灣三甲集又路徑崎嶇匪蹤屢窺家崖新添鋪沙撈等處則為入省最近之路賊匪於各該處對岸設有渡船隨時可至東岸官軍進攻之路止恃秋道附城之永甯浮橋穩固善擬將各軍相度要隘分投扼堵著即督飭將士相機規取以杜該匪後襲旁鈔之計痛殲賊氛並將康家崖一帶妥為防範以固省垣狄道甫獲收復民氣未蘇該署督仍當賈令該地方官將善後各事宜悉心辦理毋違事端據甘省糧餉奇窘各省協濟餉銀數月未到該署督即遵奉本日批飭飛咨四川等省督撫迅將應解協濟餉銀如數籌解以濟軍食將此由五百里諭令知之○飭四川等省迅解甘肅餉銀○

西諭軍機大臣等富明阿奏請飭理藩院嚴催各盟長迅將越旗種地蒙古收回一摺郭爾羅斯蒙古越旗種地一案自經查辦後業已明定章程見除哲里木錫林郭勒等旗遵旨收領外昭烏達等旗所派各員尚未一律到齊卓索圖一盟迄今並未派員前往其喀喇沁前派各員又稱係會同查辦事件並非收領各戶該員等隨即回旗各該盟於收領越旗各戶任意耽延難保不令眾戶又起種地之念致生事端且官兵在彼久候收領無期徒耗鹽糧實屬不成事體著理藩院行文各該旗嚴催各盟長迅速派員務將越旗種地各戶剋期領回不准該委員等沿途逗留再滋延誤其有不能收領願在郭爾羅斯公旗安置者即照原定章程辦理以弭弊端原摺著鈔給閱看將此諭令知之○王戎諭軍機大臣等李鶴年奏擒逆圖撲運西督軍守禦南路匪徒突起派兵剿捕並請飭釋放降人家屬各摺片檢匪由德州恩縣駛至博平在平等境仍圖撲越運河避兵西竄見在臨清以南至張秋鎮經前敵各軍分投扼剿足資堵禦惟張秋一帶河水淺涸難保該逆不鉅險疾趨希圖竄越豫境東路之防亟應早為戒備即著李鶴年迅飭在防將領妥籌布置嚴密扼守與東省各路官軍互相策應以期有備無患豫省南路匪徒花得春等糾眾焚掠自必陽石河寨等處竄至裕境顧張店旋向東南檀木溝一帶盤踞該處與角子山相近向為匪蹤出沒難保匪徒不竄往該處負隅抗拒且匪眾雖僅百餘人恐糾聚日久裹脅愈眾眾辦益形棘手該撫見調原派防守黃河之歸德鎮標兵一千名交總兵崔廷桂督帶馳赴南陽一帶剿辦著李鶴年嚴飭該總兵會同該管鎮道合力兜擊務將首夥各匪悉數殲除毋任一名漏網致貽後患降人桂錫楨既據該撫奏稱疊次打仗出力察看情形實屬革面洗心毫無疑貳即著該撫飭知該降人奮勉立功力圖報效倘能隨同官軍剿平擒逆朝廷必當破格錄用以獎勤勞所有該降人家屬著俟擒逆平後再行釋放將此由五百里諭令知之○諭旨璧光奏剿賊獲捷擒斬巨逆並攻克廬山賊巢各摺片川楚各軍攻破覺林寺偽城生擒逆首朱明月與劉岷前奏大略相同賊首楊老冒等突竄札佐班竹園一帶經張文德督飭各軍分投剿擊陣斬偽元帥楊老冒斃賊甚多在事出力員弁著曾璧光擇尤保獎候旨施恩仍著飭令張文德等會同川楚各軍率得勝之師迅克偏巢將平襄龍貴各賊巢次第底定早奏膚功定番文武各員擊退逆匪攻克廬巢在事出力員弁紳團著曾璧光擇尤酌保毋許冒濫逆首陳衛生由龍里逃竄仍著飭令在事各員實力緝捕以期淨絕根株一面督飭該廬州將防守事宜認真籌辦毋稍大意將此由五百里諭令知之○癸亥諭軍機大臣等庫克吉泰奏剿匪秦陝軍剿賊獲勝並籌堵竄匪情形一摺薩坊白水等處賊匪經周紹濂商金品等軍連日獲勝並將敗竄中部之賊悉數殲除其竄擾官君之賊復經高連陞疊次獲勝劉厚基克復延長劉端寬將鄭州洛川之賊擊敗舊縣棧相鎮等處

賊勢最重亦經周紹濂奮力情剿大挫賊鋒剿辦出屬出力總兵周紹濂周金品等所部尤爲出力員升准庫克吉泰等擇尤
彙保毋許冒監因逆大股由靈臺竄至鳳翔約數萬劉典見疑赴鳳郡督戰著卽徵調各軍痛加剿洗力遏狂氛毋任蔓延
至陝境北路匪前據德勒克多爾濟等奏稱復將神木縣城攻陷擾及鎮羌一帶意圖竄出口外見在晉省薩托清各城防
務甚形喫緊著庫克吉泰劉典迅速籌撥兵勇將延榆一帶回匪實力剿洗嚴扼沿河沿邊要隘毋任竄入晉境致成不了之
局是爲至要將此由六百里各諭令知之○諭瑞麟嚴緝廣東會匪○予陝西陣亡知縣宋良等祭葬世職○甲子論軍機大
臣等當明阿奏俄界匪人聚眾攻殺俄兵見飭副都統赴琿春會商俄官剿辦一摺俄界漁戶雖係中國人民而敢於焚卡作
亂其爲不安本分已可概見當明阿見令烏勒興阿訥木津等派兵嚴防要隘遇有匪人拏獲囚禁以備對質所辦尚合機宜
卽著該將軍嚴飭烏勒興阿等慎守邊隘毋任匪徒闖入肆擾儻該匪被俄兵擊散逃入琿春境內卽飭盡數剿除該司綏靖
邊境亦不至敗聲鄰封所有富明阿續派全福所帶官兵並著前赴琿春交烏勒興阿調遣以備策應將此由五百里諭令知
之○諭英翰奏運防布置已定見飭各軍台隊進剿請調安任赴營各摺片運防長營經英翰督軍修築完整自清平縣境之
李家園起至臨清邊上之衛河口止見已沿邊排營分段扼紮南路東淮各軍分防地段亦已竣工著左宗棠李鴻章英翰丁
寶楨悉心籌商嚴撤兵勇認真守禦毋令該逆竄過運西僞賊由何路竄出卽將何路防軍治以應得之罪臨清迤北河清民
團見已興工著李鴻章官文嚴催臬司張樹聲等迅速布置剋期蒞事並著李鴻章另派得力將弁前往堵扼毋稍疏虞檢逆
見已竄至清平之禁屯孫家莊等處乘雨搶撲戴家灣運防經張從龍等軍擊退英翰見擬親往督剿卽著星馳前進與左宗
棠李鴻章等會籌剿辦該大臣等當懷遵疊次諭旨依限滅賊迅掃逆氛用副委任陳國瑞已至英翰軍營該署撫當勸以大
義俾知奮勉圖功毋得觀望遷延自干罪戾安任一軍見已飭令暫紮保定另候調遣毋庸前赴英翰軍營將此由六百里各
諭令知之○諭金順奏遵籌進剿暨逆首乞撫及官軍擊賊獲勝各摺片金順馳抵定邊進剿兵力尙虞單薄著督飭總兵胡
世英先就見有兵力將回逆盡心剿洗以孤陝北賊匪之勢蒙古地方水草缺乏著一面趕籌行糧卽酌留隊伍分守花定等
處剋日東進相機剿辦並著庫克吉泰劉典迅速派得力將弁統帶勁旅馳往會剿以期聯絡聲勢毋稍遲延董福祥爲陝北著
名首逆據金順奏稱該逆率眾投誠果能立功自贖不妨予以自新但賊情叵測難保非藉乞撫爲緩師之計著金順咨商穆
爾善劉典悉心察看妥爲辦理斷不可墮其狡謀清水營西北五里墩竄賊經官軍擊退金順見在親往督剿著卽撤廟將士
迅殄逆氛將此由五百里各諭令知之○諭崇實奏川師援黔屢勝見在添派防兵出境助剿一摺劉嶽曙奎閣唐炯等軍抵

黔境後收撫降賊場下松煙鋪等處賊巢並會楚軍生擒首逆張保山及賊目多人唐炯復乘勝馳抵滑澤之偏刀水與蹇
問等約期進取於牛矢溪連獲大捷見已進規水源溝槽木圍會同楚軍分取龔家營觀音營聲勢尚覺聯絡崇實復添派
川兵分出涪南以趨正安安妥川即著嚴防唐炯等督率各軍分投進攻迅圖掃蕩並著劉崐飭令席寶田等與川軍併力夾
擊毋得互相觀望致貽前功唐炯見在督軍圍攻偏刀水老巢將來尙須渡江而南進規王華山尙大坪等處所有善後事
當喫緊未能兼辦善後等語唐炯見在督軍圍攻偏刀水老巢將來尙須渡江而南進規王華山尙大坪等處所有善後事
宜自未能一人兼顧著劉崐派派廉明勤幹之員專辦善後事宜以期周妥其川師平定處所撫輯亦關緊要並著曾
璧光另派委員次第經理唐炯即責令專車進剿痛殄逆氛將此由五百里各諭令知之○諭山陝各省籌撥金隨軍餉○
乙丑諭軍機大臣等李鶴年奏官軍剿賊獲勝派兵赴東昌協防並籌辦土匪一摺張昭等軍會合劉松山春雲等馬步各
隊於上月在甯津等處追賊疊有斬擒擒賊東趨見在捻逆竄向清平一帶腹圍槍撲運河運西防守事宜極關緊要該撫
已檄馬德昭馳赴東昌協同扼守即著該督飭令該提督迅速到防聽候李鴻章調派不得稍涉遲延泌陽土匪嘯聚業經李鶴
年派令總兵崔廷桂馳往剿捕並著飛飭該總兵乘此匪勢未張妥速設法殄除毋使滋蔓所陳暫駐滑縣相機進止情形
該撫務當隨時斟酌緩急會合各路大軍防剿兼籌不可稍事拘泥致失戎機見爲至要將此由五百里諭令知之○諭丁
寶楨奏官軍追賊疊勝見飭王心安追剿一摺捻逆竄至臨邑經民團接仗丁寶楨所派之營官劉時霖等直突賊陣該逆
旋即敗退狂奔復經官軍連日追剿擒賊百數十名奪獲驢馬一千數百匹馬羣一千數百副洋礮旗幟數百件逆首張總
愚僅隨數十騎向西北潛遁與全股匪眾幾至相失剿辦甚爲奮勇此次東軍追剿數日賊竄吳橋東光又竄平原高唐莊
平均與左宗棠李鴻章大營相近若能派兵迎剿張逆即可就擒何至復令竄遁左宗棠李鴻章等未免心存觀望軍務何
日得了該大臣等務當激發天良嚴飭各軍實力會剿毋得各分畛域致干咎戾英翰亦當飭令所部會同馳擊不得稍存
觀望至臨清以北武城夏津恩縣德州暨直境之吳橋東光等處運防著左宗棠李鴻章等迅派得力將弁聯絡民團嚴密
扼堵毋稍疏虞將此由六百里各諭令知之○諭德勒克多爾濟等奏治邊蒙兵堵截不力賊匪逼近河干請飭山西巡撫
撥兵迎剿並請撤雷文麟等軍營餉銀及勸賑歸化慶倉穀各摺片該回竄陷神水高家堡後盤踞烏神旗分擾府谷縣等
處竄入準噶爾旗界並有賊匪竄踞十里長灘及巴漢圖地方距托克托城不遠河防萬分喫緊即著該署將軍等嚴檄札
那格爾第澈爾諸軍相機攔截一面飛飭馬陸督率兵勇嚴守要隘其烏喇特三旗無論可扼並著設法嚴防以遏東竄杜

噶爾計已帶兵啟程著即趕緊前進會同德勒克多爾濟先迅籌剿擊殺城需兵甚亟著文盛再行酌撥察哈爾馬隊兵數百名派員帶交德勒克多爾濟杜噶爾等調度以資厚集匪蹤趨向確定儘量越河分擾則晉疆岌岌可虞鄭敦謹務當抽撥勁旅遴選得力將弁管帶取道河保傍河北上迎頭截擊毋任闖入薩清托等廳所管地面遼闊又無城堡可守所有扼要防堵及稽查奸宄彈壓匪徒各事宜著鄭敦謹遴派結實可靠之員前往各該廳協同辦理以資得力並著劉典迅咨金順帶兵由神木等處跟蹤追剿以孤賊勢此次賊偏河干蒙古官兵堵截不力著德勒克多爾濟等查明據實參辦陳國瑞所部見在山東剿賊所請調由吉州迎剿之處著毋庸議山西撥解文麟等軍餉銀五萬兩即著照該署將軍等所請暫行截留應用仍著鄭敦謹於應解歸綏餉內迅撥銀五萬兩解赴歸綏轉解文麟等軍營毋稍延緩歸綏廳常平倉存穀二萬八千餘石著即咨明鄭敦謹檄飭歸綏道迅行動履提運以濟軍食將此由六百里各諭令知之○諭成祿奏遵旨部署出關請催楊占慈赴肅接督餉酌撥甘涼米石迅催川省協餉及請飭派員辦理糧臺各摺片關外盼援甚急疊經諭令成祿俟楊占慈到肅即趕緊出關楊占慈奉旨已久何以尚未到營著穆圖善催令迅速帶隊馳往接辦防剿毋許遲延成祿著一面趕緊部署俟楊占慈到肅後即行拔隊馳往哈密等處盡心勦辦不得藉詞逗遛自干重咎鎮西一軍著准其統帶出關以厚兵力該提督出關後自應多備餉糈所有前請飭撥倉糧十萬石內未經解到七萬石著穆圖善在甘涼屬下再行分撥數萬石並著先期籌備糈幣以裕兵食上年諭令四川先撥銀十萬兩解交成祿軍營迄今尚未解到著崇實查照前撥餉數剋期解交毋稍延緩並著穆圖善遵派得力道府一員前赴該提督行營辦理糧臺事務以資臂助將此由六百里各諭令知之○予山東陣亡總兵官朱發典等祭葬世職○丙寅諭軍機大臣等英翰奏官軍先後獲勝並追剿情形一摺程文炳生師韓在高唐擊賊獲勝陳國瑞由陵縣平原追至高唐連獲勝仗莫組紳陳國瑞復於在平夜襲賊營疊獲大勝勦辦均屬認真賊匪無日不遇官軍疊遭挫敗勢已窮蹙正可乘此機會合力殄除著左宗棠李鴻章丁寶楨英翰督催各路官軍會合兜剿迅殄賊氛一面飭令防河將士嚴密扼守毋任竄渡河西再致蔓延此次大東院及陳國瑞等軍勦賊均各盡力李鴻章等所部各營何以並未接仗該大臣等務當振刷精神力圖會剿以期速就蕩平不得任聽各將士遷延觀望自干咎戾陳國瑞勦賊奮勇所需軍火糧餉著英翰隨時接濟馬步各隊並著該署撫酌撥數營歸其統帶以厚兵力兼飭程文炳牛師韓等軍與該侍衛合隊實力痛剿俾竟全功將此由六百里各諭令知之○丁卯左宗棠奏臣前因捻逆剛由東昌竄越運河北竄東昌一帶牆工已成防軍厚集追軍又緊躡其後度不得逞遂向東北疾趨仍圖撲直隸運河臣時在吳橋慮直隸運河地段縣長防軍單薄所恃居民

遷萃西岸自相團結憑河固守惟中段連鎮上下數十里間居民星散牆工未興又值運河水勢漸落局勢懸殊臣於閏四月初六日夜率親軍五千銜枚急進初七日馳抵連鎮探騎回報數十里內尙無賊蹤因包連鎮築壘開濠屏蔽要津以重形勢並移全軍駐之初八日賊騎由南皮界竄至東光縣境將犯連鎮大隊距連鎮已不過三十餘里臣一面促修濠壘一面派騎兵分途偵之遇賊邊騎檢獲老賊牛糧兒等及從前官軍被擄者共二十餘人訊知賊意直注連鎮途聞連鎮已有官軍駐紮改向正南急趨各起邊馬亦均折回南竄是夜臣復引軍赴吳橋初九日馳抵西關則賊已由吳橋進東向南竄去比劉松山張曜宋慶程文炳郭運昌春壽喜昌馬步各軍馳至吳橋則已無及臣以連鎮緊要所築濠濠未固是日仍馳回連鎮察度賊情安思竄越運河西岸別覓生路如運西防固則猛撲滅河亦在意中竊維防剿各軍均臣德州臨清東昌一帶此外惟滄州滅河駐有楊鼎勳一軍余承恩劉景芳各營約計馬步尙有一萬四五千而運西則僅劉祺三營明慶博崇武馬隊兩起臣屢奉諭旨嚴扼運西所部亦祇親兵五千人見駐東岸連鎮以剿爲防除守壘外出隊八成不滿四千之數且防且剿兵力不敷見在各軍任防者約六七萬而敵之軍除劉松山郭寶昌喜昌馬步三軍外尙四萬有奇聞陳國瑞帶來勇丁亦一萬二千有奇是南路防剿之軍多於北路不止數倍近奉諭旨又須酌撥數營分防滅河藉資休息而揣度賊勢既不得過於南必仍肆志於北待其既北而防之必落賊後且劉松山喜昌馬步兩軍由陝西山西河南直隸以至山東與剿猾之寇相追逐兵馬實形勞頓若不及時稍予休息誠恐無益有損其張曜宋慶程文炳春壽馬步各軍均已咨交李鴻章調度見正緊蹙賊蹤向西南追剿臣見調劉松山移軍回紮東光縣北二十里下口一帶郭運昌紮柳莊一帶北距滅河七十里分劉松山所部提督黃萬友兩營總兵章台才一營馬隊一營與郭運昌所部一營合共五營前赴滅河運河交接地方分紮一面咨提督楊鼎勳將見駐滅河口之營勻縮十里向東移紮以便劉景芳余承恩等營接應勻減移向東北以期周密黃萬友等馬步五營所以移紮滅河偏西十里者以其地防務緊要黃萬友宿將可恃又本係劉松山軍中分統之員一軍分紮聲息時通可期聯絡也其滅河東北濱海各處之飭下崇厚將見紮豫軍勻撥分紮以期周妥再查滅河風運入海河形係向過北其入海之處距津郡不過數十里賊如窺伺東北似天津之軍亦可馳往策應以壯聲援津郡既恃滅河爲外護臨時派兵策應滅河防軍即所以固津郡之防較之增調久戰疲勞之軍更爲可恃至劉松山郭運昌喜昌馬步數軍雖暫時分滅運之防兼資休息然揣度賊情不久必仍將北竄尙可易尾追之軍取擣頭橫截之勢於剿局不無微助又奏據劉松山張曜宋慶春壽喜昌東報閏四月初四日追賊至德平李家莊賊不及防我軍分三路並進合力夾擊賊敗奔數里

值小港橫前各軍疊之生擒賊目楊沅等及悍賊一百二十餘名劉松山所部總兵宋發興宋慶所部守備李學文均陷賊陣中殲殞命賊敗向東北轉向正東竄走初六日竄過海豐東北四十里復折向慶雲縣東北劉松山等追及剿賊二千餘寇猝死回撲劉松山麾所部奮勇衝殺立斃執旗騎賊數十名張曜復由閭家莊繞出賊後木慶與春壽喜魁亦由大李莊橫截而出賊遂敗潰斃賊二百餘名初七日追過鹽山至滄州界是夜捻首高老步韓錦生等率黨三百餘人周老鳳率黨七十餘人詣劉松山軍前乞撫訊知賊中洶懼殊甚張總愚喊各賊擄板片繩索向泊頭下口一帶搶撲運河劉松山等立即拔營於初八日馳抵下口附近見賊方搶運板片箱櫃劉松山等馬步並進賊勢不支折向西南紛竄劉松山等循東岸追殺三十餘里至東光縣南沿途共斃賊數百名生擒三十餘名賊方擬搶撲連鎮聞軍已移紮連鎮遂繞由梁家集撲吳橋適由連鎮徑趨吳橋劉松山等各軍亦踵追而至賊又從東逸去所有陣亡之總兵宋發興守備李學文仰懇 天恩飭部從優議卹以慰忠魂 上諭軍機大臣等捻逆見竄往平高唐博平等處疊經東皖及陳國瑞各軍擊敗該逆圍竄運西不遑勢必仍折而北向東光吳橋及天津減河一帶搶渡左宗棠分防地段自吳橋至滄州捷地減河一百六十餘里僅止親軍五千人並劉祺三營及明慶博崇武馬隊兩起兵力較單該大臣見調劉松山移軍回紮東光所屬之下口一帶郭運昌一軍移紮柳莊一帶並分劉松山所部黃萬友章合才四營郭運昌所部一營前赴減河運河交接地方駐紮兼令楊鼎勳將所部見駐減河口之營勻縮十里向東移紮以便劉景芳合承恩等營節遞勻減移向東北籌辦尚屬妥協至減河下游入海處所距洋郡僅數十里該處防兵即可由津軍內就近撥往崇厚即撥津軍各營並添募勇丁前赴下游河岸嚴密扼守毋稍推諉左宗棠崇厚既經專辦防務即當加意嚴守不得稍涉疏懈其進剿事宜即著責成李鴻章認真辦理務當督飭見有前敵各隊並陳國瑞一軍儘力追殺與各處防軍互相策應俾得迅殄賊氛春壽所統馬步各軍著李鴻章飭赴減河一帶協同防守如遇賊蹤北竄即可迎頭截擊並與曹昌所部馬隊聯絡聲勢以厚兵力將此由六百里各諭令知之○子陣亡總兵宋發興等祭葬世職○已已諭軍機大臣等庫克吉泰奏剿典奏西北兩路各軍剿賊疊勝甘回慶陝見籌防剿林壽圖奏甯州合水失陷情形各摺片提督劉瑞寬在邠州道左鋪等處督軍進剿斃賊甚多賊向西竄其分擾汧隴鳳之賊亦經蕭德經羅洪德等迎擊獲勝董志原回逆與土匪潰勇連陷慶陽甯州各城悉由靈臺南竄武功渭河一帶亦有賊蹤劉典見由醴泉移紮咸陽係屬兼顧陝垣起見惟逆眾傾巢竄陝意圖就食鳳境而中宜鄆洛等處賊蹤方張若不亟圖堵截勢必聯成一片進剿愈難著庫克吉泰劉典嚴密剿辦等軍分投攔擊迅殄逆氛劉典即由咸陽督飭魏光燾等併力西向毋得株守一隅致賊勢日形延蔓林

壽圖奏稱甯州仍爲賊踞慶郡守城官兵敗遁各情署甯州知州凌光漢於州城失陷時隱忍偷生實堪痛恨著穆圖善迅查明從重參辦署合水縣知縣楊炳華力戰捐軀亦著查明請卹並查禹得彥等糾黨圖逞並著穆圖善等查令雷正綽實力堵遏毋稍疏虞雷正綽軍營糧餉林壽圖務當隨時接濟以賑軍食慶陽地方緊要知府員缺豈可久懸穆圖善亦當遴派委員前往莅事以資撫輯將此由五百里諭知穆圖善庫克吉泰劉典並傳諭林壽圖知之○予陝西傷亡同知李卿林等祭葬世廕○庚午李鴻章奏閏四月十一日逆匪南竄高唐在平界內陳國瑞在天官廟鈔出賊前檢斬甚多厥斃逆首陳熊一名十二日東軍王正起等在往平接仗獲勝張曜宋慶適至夏津東南一帶攔截賊騎散漫徧野宋慶等突出猛擊大股倉皇折走生擒騎賊五十餘名皖軍程文炳牛師韓等是日亦在高唐迤西截擊賊有斬擒十三日陳國瑞遇賊於往平清平之交竭力勦洗賊不戀戰向東竄走十四五等日又竄禹城平原一帶昨又由陵縣之南竄往臨邑據生擒賊供逆情窘迫時圖槍渡運河見在連旬晴燥張秋黃河口業已斷流東昌臨清蒲河淺涸殊其東皖淮軍聯袂檣濠布置嚴密兵力較厚似尚無虞自臨清北至滄州運河上通衛河雖有來源日落水二三寸西岸直東氏團均集營牆官文派臬司張樹聲道員歐陽正墉丁寶楨派候補道王成謙等分投督催添派直東紳士道員李逢春姜德俊提督傳振邦前往會同督勦以冀剋期集事昨因水淺賊近德州上下牆工開有斷缺之處潘鼎新帶隊由減河來德飭令先其所急撥往景州東岸分飭弁勇過河替修吳橋至景州長牆三十餘里又令周盛傳帶隊由四女寺過河替修故城至德州長牆五十餘里運西團勇見官軍通力合作愈增踊躍旬日之間可期竣工惟河道過長自連鎮北至滄州西岸有京營馬隊直省練軍協同民勇分段防守連鎮南至臨清數百里則專恃民團強弱未齊未盡可靠各省客軍俱在前敵本難分撥且南勇與北人不相習民團既不願與之雜處客軍亦不能全行替防再四籌維惟有揀派各軍輪替出擊更番休息其休息之軍即在河岸擇要屯駐俟賊竄近立即迎擊以剿爲防左宗棠已派劉松山郭寶昌昌昌等軍自連鎮北至滄州減河東岸分紮與捷地備鼎勦等軍聯絡策應亦派張曜宋慶分紮夏津高唐一帶糧支兩策嚴防吳橋一帶邊境回竄整隊截擊剿運防逃護前因北運河寬深敵船可以得力各商會國藩調長江水師提督黃翼升督帶數營前來助防昨准回國藩咨已令黃翼升統淮揚水師五營北渡張秋候調日來黃水消落各敵船阻滯張秋不得進口早晚若遇大雨河水稍漲敵船可至運防較有把握東昌以南南派郭松林往紮嗣因進剿喫緊先令道員丁壽昌將銘軍北來營防但該處運河極窄水僅數寸仍慮地廣兵單已咨商河南撫臣李鶴年將見守增縣之提督馬德昭六營調往東昌以南與丁壽昌聯絡布守據報業

令力洗舊習奮効立功以觀後效如其故習復萌不遵約束李鴻章亦常隨時奏請將桂錫麟兄子釋放之處桂錫麟
賊出力如果始終不懈俟軍務完竣時自當將該軍員家屬全行釋放並將桂錫麟加恩獎卹也將此由六百里諭令知之○
諭鄭敦謹奏河保喫緊分飭堵禦並請飭防省另調一軍駐紮榆林各摺片前據德勒克多爾濟等奏賊匪攻陷神木擾及府
谷等處當經諭令鄭敦謹派兵取道河保迎頭截擊茲據該署撫所陳各節與德勒克多爾濟等前奏大略相同現在陝省之
邊內草地均有賊擾晉省邊內之河保口外之清托薩包等處同時喫緊該署撫雖已咨明緩遠城將軍添兵嚴防口外沿河
各處其河保沿邊各處已飭在防文武各員弁分投堵遏布置漸能周密惟防務萬分喫緊非有大員親往統率不能聯為一
氣見在滿澤防務較鬆著鄭敦謹另派安員駐守即行馳往河保一帶擇要扼紮嚴督在防各將士加意梭巡實心堵禦儘有
稍涉疏懈者即行該署撫嚴參懲辦毋稍姑容陝省賊氛日熾晉省河保各邑暨薩托清等城更形喫緊著庫克吉泰劉典遵
奉前旨迅撥得力兵勇將延榆等處同匪實力剿洗即著駐紮榆林嚴扼沿河邊隘與晉省防兵互為聲援毋稍疏失將此由
六百里各諭令知之○諭山西迅解巴里坤軍餉○命榮全全昌李雲麟會同俄官建新疆賊境界牌鄂博○辛未諭內閣盛
京將軍都興阿著管理神機營事務授為欽差大臣馳赴天津等處會同左宗棠李鴻章勦辦賊匪所有春壽陳國瑞張曜宋
慶四軍馬步各隊均歸調遣其餘吉林黑龍江馬隊並著都興阿酌量札調都興阿所請隨帶之侍衛興凌等均著准其前往
三口通商大臣兵部左侍郎崇厚著幫辦都興阿軍務兼籌糧餉軍火以資接濟仍駐天津督辦防守事宜前有旨令左宗
棠李鴻章限一月內滅賊迄今限期已滿賊股仍未殲除實屬督勦不力均著交部嚴加議處仍責令該大臣等會同都興阿
協同勦賊務將此股捻匪迅速殲滅毋再遷延致干重咎都興阿未到以前該大臣等仍當嚴飭各將領認真防剿毋稍觀望
致誤戎機○諭軍機大臣等前因捻逆竄擾直東大肆猖獗疊經諭令左宗棠李鴻章督兵勦辦並立定限期令於一月內剿
辦淨盡見在限期已滿而賊匪全股尚未蕩平仍復奔突自如該大臣等辦理毫無成效本日已明降諭旨將左宗棠李鴻章
交部嚴加議處並令都興阿管理神機營事務授為欽差大臣兼命崇厚幫辦都興阿軍務都興阿久歷戎行於營務馬隊事
務尤為熟悉是以令其前赴直東一帶會同左宗棠李鴻章勦賊期於追剿迅速早行肅清該大臣務當與左宗棠李鴻章
合力同心妥商籌辦不得稍分畛域崇厚亦當妥籌軍火糧餉接濟都興阿軍營並將天津防務嚴密布置不得稍形鬆弛左
宗棠李鴻章與都興阿同辦一事尤當互相聯絡隨地策應於運河防務固宜盡力布置於會剿事宜亦不可稍涉推諉其
撫軍心官文丁寶楨英翰於防剿事宜當隨時與都興阿左宗棠李鴻章合力籌辦不得稍存觀望以期共殲逆氛肅清上

黃將此由六百里各諭令知之○諭崇厚奏派撥兵勇赴減河下游防守並督國藩等奏調用閩省輪船赴津各摺片天津減河上游已經左宗棠抽派劉松山郭運昌等營勻紮其下游自吳莊至祁口一帶見經崇厚派令劉景芳余承恩春霖三軍防守並添募勇丁兩營以資厚集所陳於水淺處所偏掘陷阮之斷岑子頭高埂並雇雇艇槍勇巡防各節籌辦尚屬周妥著即認真辦理不得有名無實蘇省捕盜輪船不適於用閩省之華福寶輪船見在上海可以移調北來候駛抵天津後著崇厚飭令該督帶委員沈應奎等於津門沿海洋面一帶實力巡緝所有軍火糧餉並著安鶴接濟毋令缺乏○閩國藩等原片著鈔給閱看將此由五百里諭令知之○調福建輪船巡防天津海口斷捻逆接濟○諭劉坤一等籌解清淮軍餉○壬申諭軍機大臣等文麟景廉奏請簡放都統並委署道缺及吉恆解餉情形阿底爾句逆復仇並文麟奏親督隊伍前進擊敢安玉竄匪暨請飭伊勒屯等迅解截贖軍餉各摺片烏魯木齊都統統轄各城當此軍務喫緊之時自應派員總統方可呼應靈捷惟文麟等既未能前進而伊勒屯亦有巴里坤應辦事務未便簡派所請著毋庸議其鎮道員缺准其即以黎獻哲署著穆圖善催令出關赴任接辦催運事宜其屯田都司把總並准其以魏忠義徐天智署理主事鍾貴既於人地相宜即著准其接署主事原缺所有伊勒屯派往之筆帖式伯恆著即撤回哈密地方遼闊文麟等擬分兵籌辦尙屬可行著文麟即行前赴哈密新任景廉暫駐後路以防安敦玉並催運一切所有西路竄賊著文麟等飭令魏忠義確探情形隨時防剿伯克阿底爾先經擊獲何以復被回逆搶回致令糾眾復仇所稱回子小玉素著與郭鳳賢將阿底爾降刑拷打藉備謀殺賄縱等情文麟等既經據伯恆所稟咨詢何以伊勒屯等並未具覆即著伊勒屯何瑄查明阿底爾原委稟奏其伊勒屯等截留餉銀前因巴城待餉孔亟文麟等又無出關消息是以准其提用惟哈密亦屬支絀著伊勒屯何瑄通飭餉到即行撥還嗣後不得再行截留各分形域致干咎戾並著文麟等迅派安員前赴山西烏里雅蘇台迎提以濟急需吉恆僅解不力著暫行革職安敦玉一帶物產有限見在文麟各軍籌糧甚艱所有蘭州各軍著穆圖善飭令毋庸前赴關外籌辦糧餉俾文麟等餉稍得以寬為接濟其沁城一帶能否與辦屯田並著文麟景廉等察度情形妥為辦理將此由六百里諭知穆圖善文麟景廉伊勒屯並傳諭何瑄知之○癸酉諭內閣吏部奏選議各倉監督並倉場侍郎處分一摺高新倉監督鍾霖等均著照部議革職倉場侍郎鍾岱朱晉總理倉儲職任甚重於各倉虧短米石毫無覺察實屬不忠應任鍾岱著調補秦甯鎮總兵兼總管內務府大臣朱晉著補授內閣學士兼禮部侍郎仍照部議革職職任鍾岱於天津倉庫虧短米石完竣後再行赴任朱晉於通州收米事竣後再行來京供職○以折壽為倉場侍郎○調華通遠為倉場侍郎以